

Inzko u Washingtonu: Naredne dvije godine bit će ključne za BiH

Naredne dvije godine bit će ključne za Bosnu i Hercegovinu u nastojanju da se uklone barijere koje su postavljene na putu potpunog poslijeratnog oporavka i pune evroatlantske integracije, rekao je jučer visoki predstavnik Valentin Inzko.

Nakon nedavne posjete državne sekretarke Hillary Clinton Bosni i Hercegovini, visoki predstavnik je bio u Washingtonu kako bi se sastao sa zvaničnicima SAD-a iz State Departmenta, Nacionalnog vijeća sigurnosti i Ureda potpredsjednika.

Visoki predstavnik je izjavio da se nada da obnovljeni politički dijalog može otvoriti put da vlasti u BiH okončaju zastoj prisutan u protekle dvije godine i da se počnu baviti hitnim socijalnim i ekonomskim problemima. U situacijama kada strane budu postizale kompromise i nastavljale da slijede svoj program, od ključnog značaja je ne preduzimati korake kojima se vraćaju unazad reforme koje su vođene sa velikom pažnjom tokom mnogo godina kako bi se unaprijedio Mirovni sporazum, dodao je Inzko.

Visoki predstavnik je naglasio da Sjedinjene Američke Države i druge zemlje članice Vijeća za provedbu mira još uvijek imaju ključnu ulogu u Bosni i Hercegovini, posebno imajući u vidu sve veća osporavanja Daytonskog sporazuma.

Bit će prilika da se u naredne dvije godine riješe ustavni, ekonomski i politički izazovi i Upravni odbor Vijeća za provedbu mira može, dalnjim snažnim i jedinstvenim pristupom, osigurati da se ove šanse u potpunosti iskoriste za dobrobit građana BiH.

Danas će visoki predstavnik održati govor u vezi s Bosnom i Hercegovinom u Centru Woodrow Wilson u Washingtonu.